

Choaiq Thở Phau-lô Chĩc Yõn Cũai Tâng Vil Cô-lusê Santoiq Atõng

Phau-lô chĩc choaiq thờ nãi cơiq sa-óh tốp sa-âm tâng vil Cô-lusê, cruang Asia. Án chĩc sám 60 cumo ntun Yê-su canõt. Án chĩc thờ nãi cõ tian án sâng han bữn máh cũai atõng alóit tở p̄ieiq tẽ parnai Yiang Sursĩ. Alóit atõng cũai sa-âm cóq yám noap cóp sang ranẽng Yiang Sursĩ tâng paloõng, cóp cóq táq rit cứt puai p̄iep rit I-sarel. Cũai ki pai bữn sa-ũi thữ crong sana la tân, cóp alóit atõng sa-ũi ốc canõh hõ.

Phau-lô chĩc máh ốc p̄ieiq lứq đõq chĩ loah máh ốc ki. Án pai Yê-su Crĩt bữn chóc yõn hái bữn roap ốc tamoong tẽ án. Máh santoiq ca noau atõng tở p̄ieiq, táq yõn tốp sa-âm cõt caryoah, chơ ốt yong tẽ Yiang Sursĩ. Cõ nhơ tẽ Yê-su, Yiang Sursĩ tẽng paloõng cutẽq; cóp cõ nhơ tẽ Yê-su, Yiang Sursĩ parõm pachứm dũ náq cũai yõn p̄ih loah chu án. Ống Yê-su toập tẽq yõn cũai bữn tamoong mantái. Phau-lô atõng sa-ũi ốc đõq hái ỉt tãc tâng đõit tamoong hái.

¹ Cứq la Phau-lô chĩc choaiq thờ nãi. Cứq la cũai Yiang Sursĩ rườh yõn táq ayũng atĩ Yê-su Crĩt. Cóp Ti-muthê, la sễm ai hái, án cahan tẽ anhia.

² Cựq chĩc choaiq thữ nâi cơiq sa-óh tộp sa-âm ca puai Crĩt nheq rangứh ớt tâng vil Cô-lusê. Cựq sễq Yiang Sursĩ, Mpoaq hái, chuai miat anhia cớp yỗn anhia ớt bán sũan ien khễ níc.

Phau-lô Câu Yỗn Tộp Cô-lusê

³ Toâq hếq câu yỗn anhia, hếq sa-ỡn níc Yiang Sursĩ, Mpoaq Yê-su Crĩt, Ncháu hái, ⁴ yuaq hếq khoiq sâng chơ anhia lứq sa-âm Yê-su Crĩt, cớp anhia bữn mút pahõm ayooq nheq tữh cũai ca puai ngê Yê-su Crĩt. ⁵ Anhia bữn mút pahõm ngkĩq, cỗ anhia khoiq sâng chơ parnai pĩeiq, la parnai o tễ Yiang Sursĩ; chơ anhia dáng án ữq yỗn anhia bữn ốc bốn nỡ-ra tâng paloõng. ⁶ Parnai o tễ Yiang Sursĩ lứq toâq pỡ cruang canõh hỡ riang án toâq pỡ anhia. Cớp parnai nâi cõt palâi tâng mút pahõm cũai cruang ki machớng anhia khoiq sâng án cõt palâi tâng mút pahõm anhia tê, tễ tangái anhia khoiq sâng cớp dáng raloaih lứq parnai pĩeiq tễ Yiang Sursĩ chuai miat anhia. ⁷ Parnai nâi anhia khoiq sâng tễ Ê-phapra, la yóu ratoi lứq cớp cựq. Hếq bar nâq pruum parnoi táq ranâq yỗn Crĩt. Ê-phapra atõng anhia parnai nâi pláih loah hếq, yuaq hếq tỡ têq toâq pỡ anhia. ⁸ Cớp Ê-phapra atõng loah yỗn hếq dáng Raviei Yiang Sursĩ khoiq yỗn anhia bữn mút pahõm ayooq.

⁹ Ngkĩq, tữ tangái hếq sâng parnai ki, hếq câu níc yỗn anhia. Hếq sễq Yiang Sursĩ yỗn anhia dáng sa-ữi hỡn tễ máh ramứh Yiang Sursĩ sâng yoc, cớp hếq sễq yỗn anhia cõt roan rangoiq

cóp dáng raloaih lúq ẽn nhơ tẽ Raviei Yiang Sursĩ. ¹⁰ Hếq câu ngkíq đõq anhia tẽq táq ranáq p̄ieiq yáng moat Ncháu hái, yõn án bữn mút pahõm bũi níc cóp anhia, cóp yõn anhia cõt palâi tẽ ranáq o anhia táq. Cóp hếq sếq yõn anhia dáng sa-ũri ẽn tẽ ngê Yiang Sursĩ. ¹¹ Hếq sếq Yiang Sursĩ yõn chớq án chuai níc anhia. Chớq án la clũi nheq tẽ chớq canõh. Khân anhia bữn chớq nâi, anhia rơi chũuq níc dũ ramứh túh coat, cóp anhia noâng sâng bũi. ¹² Cóp hếq sa-õn Yiang Sursĩ, Mpoaq hái, án yõn anhia bữn roap tê máh mun án ẽ yõn nheq tũh tốp sa-âm, alới ca õt tâng ọc poang tráh. ¹³ Án chuai yõn hái loõh chíq tẽ santrúq yiang sâuq táq sôt tâng n্তóq canám. Cóp án yõn Yê-su Crĩt ẽn táq sôt hái, la Con án ayooq lúq. ¹⁴ Yuaq Yê-su khoiq cuchĩt tang hái, ngkíq Yiang Sursĩ tẽq thái loah hái cóp táh lờih hái.

Phau-lô Atõng Tẽ Crĩt

¹⁵ Tỡ bữn noau coi hữm Yiang Sursĩ. Ma cũai aléq hữm Yê-su, ki machớng án khoiq hữm Yiang Sursĩ tê. Cóp Yê-su õt parnơi cóp Yiang Sursĩ tẽ tangái Yiang Sursĩ tỡ yũah tẽng muoi ramứh ntrúu. ¹⁶ Lúq nhơ tẽ Yê-su, Yiang Sursĩ tẽng nheq tũh ramứh tâng paloõng cóp tâng cõc cutẽq nâi, máh ramứh hái tẽq hữm cóp máh ramứh hái tỡ tẽq hữm. Yiang Sursĩ toáp tẽng nheq ramứh sôt cóp nheq ramứh chớq tâng põng cóp tâng pũn nhơ Yê-su cóp yõn Yê-su. ¹⁷ Yê-su khoiq bữn chơ tẽ nhũang Yiang Sursĩ

tở yũah tễng nheq ramứh ki. Cóp Yê-su kĩaq nheq ramứh ki yõn alới tở bữn cõt rúng. ¹⁸ Cũai cóq bữn plờ nõq têq tamooong: machớng ki tê máh tộp sa-âm Yiang Sursĩ cóq bữn Yê-su nõq têq cõt tamooong mantái. Yê-su la samoât plờ yõn tộp sa-âm. Nhũang lứq Yê-su toáp cuchĩt ma têq tamooong loah. Yuaq ngkíq, án cõt toâr hỡn nheq tễ ramứh canõh. ¹⁹ Yiang Sursĩ sâng bũi pahõm yõn Con án bữn chớc lĩ-ralĩ machớng án tê. ²⁰ Cóp nhơ tễ Yê-su, Yiang Sursĩ yõn dũ ramứh tâng cớc cutễq nãi cóp tâng paloõng cõt ratoi loah cóp án. Án táq ngkíq cõ tễ Con án cuchĩt satõh aham tâng aluang sangcáng.

²¹ Cóp anhia, tễ nhũang anhia lứq ớt yớng tễ Yiang Sursĩ, cóp sarnóm anhia chíl níc Yiang Sursĩ cõ anhia táq ranáq sáoq. ²² Ma cutõ Yê-su toáp khoi q chĩu q cuchĩt dỏq yõn anhia têq cõt ratoi loah cóp Yiang Sursĩ. Án táq yõn anhia têq tayứng yáng moat Yiang Sursĩ bữn mút bráh o; lứq tở bữn noau têq tẻq anhia, cóp Yiang Sursĩ tở bữn hữm lờih ntrớu. ²³ Lứq anhia têq tayứng ngkíq, khân anhia sa-âm níc parnai o tễ Yê-su Crĩt, cóp mút anhia ớt khâm ariang aluang bữn rêh cuchũt yarũ. Ngkíq tở bữn noau têq radứng anhia yõn táh chíq máh ramứh anhia ngcuang tễ parnai Yiang Sursĩ, chơ puai parnai canõh. Parnai o tễ Yê-su Crĩt ca anhia khoi q sâng chơ, lứq parnai nãi toáp pỡ nheq tữh cũai canõh hỡ. Cứq Phau-lô toáp la cũai dứng parnai ki.

Yiang Sursĩ Rườh Phau-lô Yõn Táq Ranáq Án

24 Sanua cứq sâng bũi pahõm chũuq máh túh coat yõn anhia. Máh ốc túh coat Yê-su khoiq chũuq, án chũuq yõn tốp sa-âm, la tỗ án. Ma máh ốc túh coat ca tỡ yũah moâm, sanua cứq ẽn chũuq. 25 Yiang Sursĩ khoiq ruroh cứq yõn táq ranáq chuai tốp sa-âm. Ma ranáq ki la yõn anhia dáng samoât samơi nheq tữh parnai án. 26 Tễ mbốq parnai nâi ariang noau cutooq, yuaq cũai tỡ têq dáng yũah parnai nâi. Ma sanua Yiang Sursĩ apáh yõn cũai sa-âm bữn dáng parnai ki. 27 Yiang Sursĩ yoc ẽ yõn máh cũai sa-âm dáng parnai cutooq nâi bữn ramứh pasếq lứq. Cóp Yiang Sursĩ yõn cũai tỡ cữn cũai I-sarel dáng tê ramứh nâi. Ramứh pasếq nâi la Crít ốt tâng mút pahõm anhia. Ngkíq anhia ngcuang bữn ốt parnoi cóp án tâng ntốq ang-ữr tâng paloong. 28 Hếq atõng níc tễ Crít. Hếq sươq atõng nheq tữh cũai cóp nheq parnai rangoiq, yuaq hếq yoc alóí cõt carsai puai ngê Crít. 29 Hữm cứq rơi cutóng táq ranáq nâi, la cỗ Crít chuai tâng mút pahõm cứq yõn cứq têq táq.

2

1 Cứq yoc anhia dáng raloaih lứq tễ mút pahõm cứq. Mút cứq sâng yoc lứq chuai anhia. Cóp cứq yoc ẽ chuai tê máh cũai sa-âm ốt vil Lau-dusia, dểh alóí ca tỡ nai hữm tỗ cứq. 2 Cứq yoc alóí cõt muoi mút, manoaq chuai manoaq, manoaq aliam manoaq. Cứq yoc lứq yõn sarnóm alóí dáng tutuaiq bữm ngê pasếq lứq, yõn têq alóí dáng raloaih lứq ngê cutooq tễ Yiang Sursĩ.

Ngê cutooq nâi la Crît toâp. ³ Tâng Crît bữn dũ ramứh pasêq. Ramứh pasêq ki la ốc rangoaiq, cớp ốc noau têq dáng tể ngê Yiang Sursĩ.

⁴ Cứq atỡng anhia parnai ki, yuaq cứq ngcõh cũai canõh toâq pỡ anhia atỡng parnai nêuq lứq ẽq yõn anhia puai ngê alói. ⁵ Sanua tở cứq tở bữn ốt cớp anhia, ma mút pahõm cứq ốt níc cớp anhia. Cớp cứq bũi lứq khân mút anhia ốt sabóng o yống níc máh ngê anhia khoiq sa-âm tể Crît.

Bữn Crît La Dũ Chơ

⁶ Máh parnai anhia khoiq sa-âm chơ tể Yê-su Crît, Ncháu hái, cóq anhia táq pỡq puai níc parnai ki. ⁷ Cóq anhia yõn parnai ki dách talor tâng mút anhia, cớp cóq anhia toâr achõn tâng ốc sa-âm, máh noau khoiq atỡng anhia chơ. Cớp cóq anhia bữn mút pahõm sa-õn mantái níc.

⁸ Cóq anhia nhêng samoât, cõh cũai canõh tuoiq ỉt chíq ngê nâi tể mút pahõm anhia. Cũai ki pai chóc anhia khêuq cớp o lứq, ma parnai ki thũ sâng cớp tở bữn cõt kia ntróu. Alói ki puai phễp rit cũai cớp ngê tâng dõi nâi sâng, alói tở bữn puai Crît. ⁹ Lứq samoât, nheq máh ngê Yiang Sursĩ ốt nheq cớp Crît bo án cõt cũai. ¹⁰ Cớp khân anhia bữn Crît tâng mút pahõm, anhia bữn dũ chơ, tở bữn khlâiq muoi ramứh ntróu, yuaq Crît ndõm nheq máh ramứh sõt cớp nheq máh ramứh chóc.

¹¹ Puai phễp rit cũai I-sarel, alói táq rit cứt táq tếc tâng tở alói. Anhia bữn tê tếc, ma tếc ki tở cõn cũai táq. Tếc ki Crît toâp táq yõn anhia,

cóp tếc ki la anhia táh chíq ngê tiaq. ¹² Anhia la samoât noau túp parnoi cóp Crĩt bo anhia roap batêm. Cóp samoât anhia tamong loah parnoi cóp Crĩt tê, cõ anhia sa-âm Yiang Sursĩ táq yõn Crĩt tamong loah tẽ cuchĩt. ¹³ Tẽ nhũang, la ariang anhia cuchĩt, yuaq anhia táq sa-ũĩ lỏih cóp anhia tở bữn puai phễp rit Yiang Sursĩ yõn cũai I-sarel. Ma Yiang Sursĩ táq yõn anhia tamong loah parnoi cóp Crĩt, cóp án khoi q táh nheq lỏih anhia. ¹⁴ Cúq sacâm neq: Mách ramứh ntróu hái táq lỏih chóq Yiang Sursĩ, la samoât Yiang Sursĩ khoi q chĩc nheq máh ramứh ki tâng choai q. Chơ án ỉt choai q ki tẻh đợq tâng aluang sangcáng Crĩt. Chơ Crĩt cuchĩt đợq pupút chíq máh ramứh lỏih ki. ¹⁵ Toai q Crĩt cuchĩt, án apáh yõn nheq tữh cũai hữm án khoi q chíl riap chơ nheq ramứh chớq cóp nheq ramứh sỏt, yuaq án cuchĩt ma tamong loah.

¹⁶ Ngkĩq anhia chỏi noap parnai noau tẻq anhia tẻ cớng anhia nguai q tở la cha, cóp tẻ tangái cha bũi Casai Loỏh Tamái, tở la tangái anhia đợq rlu sang Yiang Sursĩ, tở la tangái anhia cha bũi sanhữ án. ¹⁷ Mách ramứh nài Yiang Sursĩ patáp tẻ nhũang đợq táq tẻc yõn cũai dáng nỡ-ra lứq bữn Crĩt. Ma sanua bữn chơ Crĩt. Chơ máh ramứh tẻc ki la tở bữn ntróu noâng. ¹⁸ Ngkĩq anhia chỏi yõn alỏi ki tẻq anhia pai anhia táq tở pẻi q. Cóp anhia chỏi noap parnai alỏi pai chóq anhia ẻq anhia táq túh coat tở anhia bữm yoc ẻ puai ngê Yiang Sursĩ. Alỏi ki atởng yõn anhia cóq táq ngkĩq, cóp alỏi yoc ẻ đửng anhia sang

ranêng Yiang Sursĩ tẽ paloõng. Alói ki pai alói dáng ngê Yiang Sursĩ cõ alói khoiq hũm Yiang Sursĩ sapáh yõn alói. Ngkíq alói chanchóm alói toâr hõn cốp dáng sa-ũi hõn tẽ cũai canõh. Ma alói chanchóm tở p̄ieiq. ¹⁹ Alói khoiq ratáh tẽ Yê-su Crĩt. Ngkíq alói la samoât cũai ốq plở. Yê-su la samoât plở, cốp tốp sa-âm la samoât tở án. Cũai cóq bữn plở nõq têq tamoong cốp toâr achõn. Machóng ki tê, khân Yê-su Crĩt táq sớt hái, lứq hái têq cõt muoi mút muoi pahõm, cốp hái têq toâr achõn tâng ngê Yiang Sursĩ.

Hái Cuchĩt Cốp Tamoong Loah Parnoi Cốp Crĩt

²⁰ Khân anhia khoiq cuchĩt parnoi cốp Crĩt chơ, nõq têq noau ếp anhia puai phễp rit tâng dõi nâi? ²¹ Phễp rit ki pai: “Chõi yõng crơng nâi. Chõi cha chim tở la tốt sana ki.”

²² Ma máh ramứh nâi nõ-ra cõt pứt nheq. Cốp phễp rit ki loõh tẽ bõq cũai sâng. ²³ Anhia sâng parnai alói ki la ariang p̄ieiq tê. Alói khoiq tềng bữm rit sang. Alói táq nan asêng tở, cốp alói patâp yõn anhia táq túh coat tở anhia bữm. Ma parnai ki tở bữn cõt kia ntróu, cốp tở bữn chuai ntróu yõn cũai têq viaq vớt tẽ ngê sâuq.

3

¹ Khân anhia khoiq tamoong loah parnoi cốp Crĩt, cóq anhia chuaq máh ramứh tâng paloõng, pở ntốq Yê-su tacu coah atoam Yiang Sursĩ. ² Cóq anhia tutuaiq níc máh ramứh tâng pỡng. Chõi tutuaiq máh ramứh tâng dõi nâi. ³ Anhia la samoât khoiq cuchĩt chơ, cốp nheq dõi tamoong

anhia, la samoât noau culốq clờp parnoi cớp Crít, cớ anhia ốt muoi mút cớp Yiang Sursĩ. ⁴ Sanua hái ốt muoi mút cớp Crít. Ngkíq toáq tangái noau hữm Crít chu loah pờ cutểq nâi, bo ki noau hữm anhia ốt cớp án bữn chớc ang-ữr riang án tê.

Ngê Tiaq Cớp Ngê Tamái

⁵ Yuaq ngkíq, cớq anhia táh chíq nheq máh ngê tâng dõi nâi. Ngê nâi la neq: Mansẽm samiang tở bữn lacuoi cayac ma bẻq parnoi, táq ranáq tanghang, raveh ravoõh yoc ể bữn noau, yoc ể táq ranáq sâuq, cớp ham crớng sanốc tâng dõi nâi. Alói ham crớng sanốc tâng dõi nâi, ki machớng alói sang yiang canốh. ⁶ Cớ nheq máh ramứh nâi, yuaq Yiang Sursĩ cutâu mút lứq chốq máh cũai ca tở bữn trỉh parnai án. ⁷ Tể nhũang anhia đốq táq tê máh ramứh ki, bo anhia noâng puai ngê ki.

⁸ Ma sanua cớq anhia táh chíq máh ramứh neq: Kêc cũai canốh, nsốq cớp cũai canốh, yoc ể táq cũai canốh, acrieiq cũai canốh, cớp táq nững sarmũaq. ⁹ Ma cớq manoaq chõĩ táq nững lauq chốq manoaq, yuaq anhia khoiq táh chớ ngê tiaq cớp ranáq tiaq. ¹⁰ Cớp anhia khoiq ỉt chớ ngê tamái. Bữn ngê tamái nâi hái rien níc tể Yiang Sursĩ. Ngkíq hái cõt ariang ngê án ca khoiq tểng hái tê. ¹¹ Aléq bữn ngê tamái nâi, ki tở bữn ntróu án la cũai I-sarel, tở la tở cớn cũai I-sarel. Tở bữn ntróu án khoiq táq rit cứt puai phếp rit I-sarel, tở la tở bữn táq. Tở bữn ntróu án la tể cruang

Créc, tở la cruang Rô-ma, tở la cruang canõh ên. Tở bữn ntróu án la cũai sũl, tở la tở bữn cũai sũl. Khân aléq bữn Crĩt tâng mút pahõm án, nâi la dũ chơ, yuaq Crĩt la toâr clũi nheq tẽ canõh, cớp Crĩt ốt tâng mút pahõm dũ nâq anhia.

¹² Cỗ Yiang Sursĩ ayooq anhia, ngkĩq án ruroh anhia. Án đõq anhia miar tẽ cũai canõh yõn anhia táq ranáq án sâng. Ngkĩq cóq anhia ỉt mút pahõm neq: Mút pahõm sarũiq táq chóq cũai canõh, mút pahõm yoc ẽ chuai yóu, mút pahõm tở bữn ốt sác, mút pahõm tutuaiq ngê yóu, mút pahõm laviei chóq cũai canõh. ¹³ Cóq anhia manoaq chũuq manoaq, cớp manoaq táh lôih manoaq. Khân bữn cũai aléq táq lôih chóq anhia, anhia chõi noap lôih cũai ki táq. Ariang Ncháu khoiq táh lôih anhia, machóng ki tê cóq anhia táh lôih noau táq chóq anhia. ¹⁴ Cớp clũi tẽ máh ramứh nâi ên, cóq anhia ỉt mút pahõm ayooq. Khân hái bữn mút pahõm ayooq, ki tẽq hái cõt muoi mút muoi pahõm ốt ratoi níc cớp yóu. ¹⁵ Cóq anhia yõn ốc ien khẽ tẽ Crĩt ndõm tâng mút pahõm anhia. Lứq Yiang Sursĩ arô anhia êq anhia ốt ratoi nheq muoi mút cớp án. Cớp cóq anhia bữn mút pahõm sa-õn níc. ¹⁶ Cóq anhia yõn parnai Crĩt cõt pacái lứq tâng mút pahõm anhia, yõn anhia cõt rangoaiq tẽq manoaq atõng manoaq, manoaq sươq manoaq. Cóq anhia ùat máh cansái khẽ Yiang Sursĩ tở la atõng ngê án. Cớp toâq anhia ùat, cóq anhia bữn mút pahõm sa-õn Yiang Sursĩ. ¹⁷ Parnai ntróu anhia pai, cớp ranáq ntróu anhia táq, cóq anhia

táq cõ anhia puai ngê Yê-su, Ncháu hái. Cóp nton anhia táq, nton anhia sa-õn Yiang Sursĩ, Mpoaq hái, nhơ Yê-su.

Ngê Õt O Cóp Cũai Muoi Dõng

¹⁸ Mách anhia ca lacuoi, cóq anhia ãt pahõm cayac anhia. Khân anhia táq ngkĩq, ki lúq pñeiq yõn anhia ca khoiq sa-âm Ncháu.

¹⁹ Mách anhia ca cayac, cóq anhia ayooq lacuoi anhia. Cóp anhia chõĩ dũng túh lacuoi anhia.

²⁰ Mách anhia ca con acái, cóq anhia trĩh láih parnai mpiq mpoaq anhia, yuaq ranáq nãi táq yõn bũ pahõm Yiang Sursĩ.

²¹ Mách anhia ca mpoaq, cóq anhia chõĩ rakhõu con anhia, cõh lơ alóĩ sâng pê pahõm.

²² Mách anhia ca cũai sũl, cóq anhia trĩh láih parnai ncháu anhia tâng dõĩ nãi, máh ranáq alóĩ ỏn anhia táq. Anhia chõĩ táq ranáq o ỏng yáng moat alóĩ sâng, ẽq alóĩ khẽn anhia. Ma cóq anhia táq nheq mút pahõm anhia, yõn Yiang Sursĩ hũm o ranáq anhia táq. ²³ Ntróu anhia táq, cóq anhia táq nheq rangũh rahõ anhia. Cóp anhia táq yõn Yiang Sursĩ, tở cõn yõn cũai, ²⁴ yuaq anhia dáng tẽ Yiang Sursĩ anhia bũn cóng cóp mun án. Ncháu anhia la Yê-su Crĩt, cóp anhia táq ranáq yõn án. ²⁵ Ma cũai aléq táq ranáq sâuq, lúq Yiang Sursĩ culáh yõn án cóng sâuq tê, yuaq Yiang Sursĩ culáh cóng puai loah máh ranáq táq.

4

¹ Mách anhia ca cūai ncháu, cóq anhia táq tanoang o chók cūai sũl anhia. Cóp cóq anhia táq yõn alói lĩ-ralĩ. Yuaq anhia dáng, anhia bữn tê Ncháu. Ncháu anhia ki õt tâng paloõng.

Phau-lô Sêq Alói Câu Chuai Ân

² Anhia chõĩ cõt lakéh câu. Cóp cóq anhia câu lứq samoât tẽ mút pahõm anhia. Anhia chõĩ câu tâng bõq sâng. Cóp cóq anhia câu sa-õn.

³ Sêq anhia câu chuai hếq, sêq Yiang Sursĩ pớh rana yõn hếq têq atõng ngê cutooq tẽ Crít. Cỗ cúq atõng ngê ki yuaq noau chók cúq tâng cuaq.

⁴ Cóq anhia sêq Yiang Sursĩ chuai cúq yõn cúq têq atõng raloaih lứq ngê cutooq ki, yuaq lứq p̄ieiq la cúq atõng ngê ki.

⁵ Cóq anhia õt patoat o chók cūai tở bữn sa-âm. Cóp cóq anhia chanchóm ống tẽ ranáq táq ca bữn kia. ⁶ Cóq anhia táq nõtng yõn cõt ẽm parnai anhia, ariang raveh khoiq noau chók boi chơ. Ngkíq têq anhia dáng nõq p̄ieiq anhia ta-õĩ nheq tũh cūai canõh.

Yớu Phau-lô Sa-óh Tõp Cô-lusê

⁷ Miar tở cúq, cúq khoiq ớn Ti-chacơ atõng yõn anhia dáng. Ti-chacơ la sẽm ai cúq ayooq lứq. Cóp án táq sarâng lứq ranáq Yiang Sursĩ parnõi cốp cúq. ⁸ Cúq khoiq ớn án toâq pở anhia dõq atõng anhia dáng máh ramứh ca toâq pở cúq. Cóp cúq ớn án aliam anhia. ⁹ Cóp Ô-nasim hữ cúq yõn toâq pở anhia. Ô-nasim la sẽm ai cúq ayooq tê, cốp án la cūai patoat lứq. Tẽ nhũang

án ốt muoi vil cóp anhia. Chơ alóí bar náq nâi atõng yõn anhia dáng máh ranáq cõt tâng nốq nâi.

¹⁰ Ari-tac, án la ốt tũ parnơi cóp cứq. Án coiq parnai sa-óh anhia. Cóp Mac hỡ, án coiq parnai sa-óh anhia tê. Án la sễm ai Ba-naba. Mac nâi cứq khoiq atõng anhia chơ tễ nhũang; khân án toâq pỡ anhia, cóq anhia catoâng án yõn án ốt bũi cóp anhia. ¹¹ Cóp Yô-sũa, án ca noau đốq ramứh Yutu hỡ, án coiq parnai sa-óh anhia tê. Ống alóí pái náq sâng la cũai I-sarel ca ốt chuai cứq táq ranáq Yiang Sursĩ. Cóp alóí aliam mút cứq.

¹² Ê-phapra, án la tễ tốp anhia tê, cóp án pruum táq ranáq yõn Yê-su Crít. Án coiq parnai sa-óh anhia tê, cóp án câu níc nheq mút pahỡm yõn anhia. Án đốq sễq Yiang Sursĩ yõn anhia ốt patoat o tỡ bữn khlâiq muoi ramứh ntrớu tễ máh ngê Yiang Sursĩ yoc anhia puai. ¹³ Cứq atõng yõn anhia dáng tễ Ê-phapra nâi, án ayooq lứq anhia cóp án chuai anhia. Cóp án ayooq cóp chuai tê alóí ca ốt tâng vil Lau-dusia cóp vil Hier-pulit. ¹⁴ Luca cóp Dê-ma ễ sa-óh anhia tê. Luca la cũai coi tahâu, ca hái ayooq lứq.

¹⁵ Sễq anhia cubán máh sễm ai hái tâng tốp sa-âm, ốt vil Lau-dusia. Cóp sễq anhia cubán Numpha cóp tốp ca rôm tâng đống án. ¹⁶ Moâm anhia doc choâiq thỡ nâi, cứq sễq anhia coiq yõn cũai sa-âm pỡ vil Lau-dusia, yõn alóí bữn doc tê. Cóp sễq anhia ỉt choâiq thỡ cứq chĩc yõn alóí ki; chơ doc loah choâiq thỡ ki tâng tốp anhia. ¹⁷ Sễq

anhia atõng cớp Archip neq: “Cớq mới nhêng samoât lứq ranáq Yiang Sursĩ yõn mới táq, cớp táq ranáq ki yõn moâm.”

¹⁸ Lứq samoât atĩ cớq, la Phau-lô, chĩc parnai sa-óh parsốt nâi. Sẻq anhia sanhữ cớq noâng ỡt tâng cuaq. Cớq sẻq Yiang Sursĩ chuai miat anhia.

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2f74bcbe-d4f1-5386-8c30-29d0147bb706